



FERIA SECUNDA AD SEXTAM

HYMNUS

RECTOR potens verax
Deus,
Qui témperas rerum vices,
Splendóre mane ínstruis,
Et ígnibus merídiem :

Exstíngue flammas lítium,
Aufer calórem nóxium,
Confer salútem córporum,
Verámque pacem córdium.

Præsta, Páter piíssime,
Patrique compar Unice,
Cum Spíritu Paráclito
Regnans per omne sáecu-
lum.
Amen.

℟. Aspice in me, et miserere
mei Dómine.

PSALMUS 118, 17 (1)

MIRABÍLIA testimónia
tua : * ídeo scrutáta
est ea ánima mea.

Declarátio sermónum
tuórum illúminat : * et
intelléctum dat párvulis.

Os meum apérui, et attrá-
xi spíritum : * quia mandá-
ta tua desiderábam.

Aspice in me, et miserere
mei, * secúndum iudícium
diligéntium nomen tuum.

Gressus meos díri-
ge secúndum elóquium
tuum : * et non dominétur
mei omnis injustítia.

Rédime me a calúmniis
hóminum : * ut custódiam
mandáta tua.

Fáciem tuam illúmina su-
per servum tuum : * et do-
ce me justificatiónes tuas.

Exitus aquárum deduxé-
runt óculi mei : * quia non
custodiérunt legem tuam.

PSALMUS 118, 18 (2)

JUSTUS es, Dómine : * et
rectum iudícium tuum.

Mandásti justítiam testi-
mónia tua : * et veritátem
tuam nimis.

Tabéscere me fecit zelus
meus : * quia oblíti sunt
verba tua inimíci mei.

Ignítum elóquium tuum
veheménter : * et servus
tuus diléxit illud.

Adolescéntulus sum ego
et contéptus : * justifica-
tiones tuas non sum oblítus.

Justítia tua, justítia in ætér-
num : * et lex tua véritas.

Tribulátio, et angústia in-
venérunt me : * mandáta
tua meditátio mea est.

Æquitas testimónia tua in
ætérnum : * intelléctum da
mihi, et vivam.

PSALMUS 118, 19 (3)

CLAMÁVI in toto cor-
de meo, exáudi me,

Dómine : * justificatiónes
tuas requíram.

Clamávi ad te, salvum me
fac : * ut custódiam man-
dáta tua.

Præveni in maturitáte, et
clamávi : * quia in verba
tua supersperávi.

Prævenérunt óculi mei ad
te dilúculo : * ut meditárer
elóquia tua.

Vocem meam audi secún-
dum misericórdiam tuam,
Dómine : * et secúndum
iudícium tuum vivífica me.

Appropinquavérunt per-
sequéntes me iniquitá-
ti : * a lege autem tua longe
facti sunt.

Prope es tu, Dómi-
ne : * et omnes viæ tuæ
véritas.

Inítio cognóvi de te
testimóniis tuis : * quia in
ætérnum fundásti ea.

℟. Aspice in me, et miserére

mei Dómine.

CAPITULUM

Ga 6, 2

ALTER altérius ónera portáte, * et sic adimplébitis legem Christi.

℣. Dóminus regit me, et nihil mihi déerit.

℞. In loco páscuæ ibi me collocávit.



FERIA SECUNDA

AD NONAM

HYMNUS

RERUM, Deus, tenax vigor,

Immótus in te pérmanens,
Lucis diúrnæ témpora
Succéssibus detérminans :

Largíre clarum vésþere,
Quo vita nusquam décidat,

Sed præmium mortis sacrae
Perénnis ínset glória.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáculum.

Amen.

℟. Fiat manus tua Dómine,
ut salvum me fácias, quia
mandáta tua concupívi.

PSALMUS 118, 20 (1)

VIDE humilitátem meam,
et éripe me : * quia legem tuam non sum oblítus.

Júdica júdícium meum, et
rédime me : * propter elóquium tuum vivífica me.

Longe a peccatóribus salus : * quia jústificatiónes tuas non exquisiérunt.

Misericórdia tuæ multæ, Dómine : * secúndum júdícium tuum vivífica me.

Multi qui persecúntur me, et tríbulant me : * a testímóniis tuis non declínávi.

Vidi prævaricántes, et tabescébam : * quia elóquia tua non custodiérunt.

Vide quóniam mandáta tua diléxi, Dómine : * in misericórdia tua vivífica me.

Principium verbórum tuórum, véritas : * in ætérnum ómnia iudícia iustítiæ tuæ.

PSALMUS 118, 21 (2)

PRÍNCIPES persecúti sunt me gratis : * et a verbis tuis formidávit cor meum.

Lætábor ego super elóquia tua : * sicut qui invénit spólia multa.

Iniquitátem ódio hábui, et abominátus sum : * legem autem tuam diléxi.

Sépties in die laudem dixi tibi, * super iudícia iustítiæ tuæ.

Pax multa diligéntibus legem tuam : * et non est illis scándalum.

Exspectábam salutáre tuum, Dómine : * et mandáta tua diléxi.

Custodívit ánima mea testimónia tua : * et diléxit ea veheménter.

Servávi mandáta tua, et testimónia tua : * quia omnes viæ meæ in conspéctu tuo.

PSALMUS 118, 22 (3)

APPROPÍNQUET deprecátio mea in conspéctu tuo, Dómine : * juxta elóquium tuum da mihi intellectum.

Intret postulátio mea in conspéctu tuo : * secúndum elóquium tuum éripe me.

Eructábunt lábia mea hymnum, * cum docúeris

me justificatiões tuas.

Pronuntiabit lingua mea
elóquium tuum : * quia
omnia mandata tua æquitas.

Fiat manus tua ut salvet
me : * quóniam mandata
tua elégi.

Concupívi salutáre tuum,
Dómine : * et lex tua medi-
tatio mea est.

Vivet ánima mea, et laudá-
bit te : * et iudícia tua adju-
vábunt me.

Errávi, sicut ovis, quæ
périit : * quære servum
tuum, quia mandata tua non
sum oblítus.

℟. Fiat manus tua Dómine,
ut salvum me fácias, quia
mandata tua concupívi.

CAPITULUM 1 Co 6, 20

EMPTI enim estis pretio
magno : * glorificáte
et portáte Deum in corpore
vestro.

℣. Ab occúltis meis munda
me, Dómine.

℟. Et ab aliénis parce servo
tuo.



PER HEBDOMADAM AD SEXTAM

HYMNUS

RECTOR potens verax
Deus,
Qui témperas rerum vices,
Splendóre mane ínstruis,
Et ígnibus merídiem :

Exstíngue flammás lítium,
Aufer calórem nóxium,
Confer salútem córporum,
Verámque pacem córdium.

Præsta, Páter piíssime,
Pátrique compar Unice,
Cum Spíritu Paráclito
Regnans per omne sáecu-
lum.

Amen.

℟. Qui hábitas in cælis, misere nobis.

PSALMUS 122 (1)

AD te levávi óculos meos, * qui hábitas in cælis.

Ecce, sicut óculi servórum * in mánibus dominórum suórum,

Sicut óculi ancillæ in mánibus dóminæ suæ: * ita óculi nostri ad Dóminum, Deum nostrum, donec misereatur nostri.

Miserere nostri, Dómine, misere nobis: * quia multum repléti sumus despectióne:

Quia multum repléta est ánima nostra: * oppróbrium abundantibus, et despectio superbis.

PSALMUS 123 (2)

NI SI quia Dóminus erat in nobis, dicat

nunc Israël: * nisi quia Dóminus erat in nobis,

Cum exsúrgerent hómines in nos, * forte vivos deglutísset nos:

Cum irascerétur furor eórum in nos, * fórsitan aqua absorbuísset nos.

Torréntem pertransívit ánima nostra: * fórsitan pertransísset ánima nostra aquam intolerábilem.

Benedíctus Dóminus * qui non dedit nos in captiónem déntibus eórum.

Anima nostra sicut passer erépta est * de láqueo venántium:

Láqueus contrítus est, * et nos liberáti sumus.

Adjutórium nostrum in nómine Dómini, * qui fecit cælum et terram.

PSALMUS 124 (3)

QUI confidunt in Dómino, sicut mons Sion: * non commovébi-

tur in ætérnum, qui hábitat in Jerúsalem.

Montes in circúitu ejus : * et Dóminus in circúitu pópuli sui, ex hoc nunc et usque in sáeculum.

Quia non relínquet Dóminus virgam peccatórum super sortem justórum : * ut non exténdant justí ad iniquitátem manus suas.

Bénefac, Dómine, bonis, * et rectis corde.

Declinántes autem in obligatiónes addúcet Dóminus cum operántibus iniquitátem : * pax super Israël.

℟. Qui hábitas in cælis, misere nobis.

CAPITULUM

Ga 6, 2

ALTER altérius ónera portáte * et sic adimplébitis legem Christi.

℣. Dóminus regit me, et nihil mihi déerit.

℟. In loco páscuæ ibi me collocávit.



PER HEBDOMADAM AD NONAM

HYMNUS

REURUM, Deus, tenax vigor,

Immótus in te pérmanens,
Lucis diúrnæ témpora
Succéssibus detérminans :

Largíre clarum vésþere,
Quo vita nusquam décidat,
Sed præmium mortis sacrae
Perénis instet glória.

Præsta, Pater piíssime,
Pátrique compar Unice,
Cum Spíritu Paráclito
Regnans per omne sáeculum.

Amen.

℟. Beáti omnes, qui timent
Dóminum.

PSALMUS 125 (1)

IN CONVERTÉNDÓ Dó-
minus captivitátem
Sion: * facti sumus sicut
consoláti:

Tunc replétum est gáudio
os nostrum: * et lingua
nostra exsultatióne.

Tunc dicent inter gen-
tes: * Magnificávit Dómi-
nus fácere cum eis.

Magnificávit Dóminus fá-
cere nobíscum: * facti su-
mus lætántes.

Convérte, Dómine, cap-
tivitátem nostram, * sicut
torrens in Austró.

Qui sémant in lá-
crimis, * in exsultatióne
metent.

Eúntes ibant et fle-
bant, * mitténtes sémina
sua.

Veniéntes autem vé-
nient cum exsultatió-

ne, * portántes manípulos
suos.

PSALMUS 126 (2)

NISI Dóminus ædificáve-
rit domum, * in va-
num laboravérunt qui ædifi-
cant eam.

Nisi Dóminus custodierit
civitátem, * frustra vígilat
qui custódit eam.

Vanum est vobis ante
lucem súrgere: * súrgite
postquam sedéritis, qui
manducátis panem dolóris.

Cum déderit diléctis suis
somnum: * ecce heréditas
Dómini filii: merces, fruc-
tus ventris.

Sicut sagíttæ in ma-
nu poténtis: * ita filii
excussórum.

Beátus vir, qui implévit
desidérium suum ex ip-
sis: * non confundétur
cum loquétur inimícis suis
in porta.

PSALMUS 127

(3)

BEÁTI, omnes, qui timent
Dóminum, * qui ámbulant in viis ejus.

Labóres mánuum tuárum quia manducábis: * beátus es, et bene tibi erit.

Uxor tua sicut vitis abúndans, * in latéribus domus tuæ.

Fílii tui sicut novéllæ olivárum, * in circúitu mensæ tuæ.

Ecce, sic benedicétur homo, * qui timet Dóminum.

Benedícat tibi Dóminus ex Sion: * et vídeas bona

Jerúsalem ómnibus diébus vitæ tuæ.

Et vídeas fílios filiórum tuórum, * pacem super Israel.

℟. Beáti omnes, qui timent Dóminum.

CAPITULUM

1 Co 6, 20

EMPTI enim estis pretio magno: * glorificáte et portáte Deum in corpore vestro.

℣. Ab occúltis meis munda me, Dómine.

℟. Et ab aliénis parce servo tuo.



Oratio.

ACUNCTIS nos, quæsumus Dómine, mentis et corpóris defénde perículis; † et intercedénte beáta et gloriósa

semper Vírgine Dei Genitríce María, cum beáto Joseph, beá-
tis Apóstolis tuis Petro et Paulo, atque beáto Patre nostro
Benedícto et ómnibus Sanctis, salútem nobis tríbue bení-
gnus et pacem, * ut destrúctis adversitatibus et erróribus
univérsis, Ecclésia tua secúra tibi sérviat libertáte. Per eúm-
dem.